



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

Concilivm Constantinopolitanvm II. In Cavsa Evtychetis.

urn:nbn:de:hbz:466:1-14584

ANNO CHRISTI 448. ficatione totius cleri Edesseni ad episcopos iudices transmissa, omnino diluit. Secundam calumniam hanc adduxerunt, quod sanctum Cyrilum hæreticum appellasset, ideoque non temere Nestorianus esse videretur. Respondit Ibas, id quidem ante initam cum Ioanne Antiocheno concordiam a se factum esse; ab eo autem tempore, quo opera & studio Pauli Emeseni inter utrumque pax composita fuit, nunquam accidisse. Cum illi contra uersisset, post factam ueriusque reconciliationem Cyrilum ab Iba hæreticum esse nominatum, idque ex eius epistola ad Marim Persam scripta probari posse asseruerunt, illius epistolæ fragmentum, quod actis Calchedonensis Concilii actione decima intextum habetur, editum fuit. Hanc epistolam suam esse agnouit Ibas, sed cum in ea nihil eorum quae ob*Ibas absolu*
uiciebantur probari posset, episcoporum iudicio absolutus fuit. Pa
tres Calchedonensis Concilii eamdem sententiam confirmarunt.
Sed cum hac occasione Nestoriani spargerent epistolam Ibæ, qua laudes Theodori Mopsuesteni, & vituperia Cyrilli Alexandrini continentur, a patribus Calchedonensis Concilii approbatam & receptam fuisse, quinta Synodus oecumenica collatione octaua eam merito condemnauit, quippe quæ in orthodoxum scriptorem, grauius quam oportebat, inuochatur, & Theodorum Mopsuestenum hæreticum nimium laudet. Quod vero non epistolam, sed auctorem epistolæ tantum patres Calchedonensis Concilii horum iudicium sententiam imitata calumnia aduersariorum absoluerint, iudicauerintque eum fautorem Nestorianæ hæreseos esse desuisse, post initam Cyrillicum Ioanne Antiocheno concordiam, catholicum & orthodoxum esse infra dicemus in notis Concilii Calchedonensis, verbo *approbatum*. Vide Baronium anno 435. numero 11. & 12. & anno 448. numero 61. & sequentibus, usque ad 77. & quæ infra notabimus in Concilio quinto, collatione octaua.

ANNO CHRISTI 449.

CONCILIVM
CONSTANTINOPOLITANVM II.
IN CAVSA EVTYCHETIS.

Acta huius Concilii extant in Concilio Calchedonensi, actione prima. Incipiunt autem sic:

FLAVIO Protogene viro clarissimo, & qui fuerit nuntiatus, consulibus, sub die quinto Iduum Aprilium, &c.

NOTA.

* *Concilium.] Damnato Eutychete (vt vidimus supra Concilio Chrysaphio eu-*
nuchio I.) Chrysaphius eunuchus imperatorii cubiculi nuchus

Concilium
imperavit.

præfectus nullum non mouit lapidem , vt acta synodalia a Flauiano legitime confecta plane irrita reddat , & in ipsum Flauianum damnationis pœnam conuertat. Permouit itaque imperatorem , vt pro Eutychete ad Leonem pontificem scribat : & vt iudicium atque examen Eutychetis prius eludatur , persuadet imperatori , vt confessim Constantinopolim triginta episcopos conuocet , qui sub præficio Theodosii Cæsarea Cappadocia episcopi , Eutychetis causâ potissime cognoscant. Mira celeritate res confecta est. Quinto Idus Aprilis anno Christi 449. qui est 10. Leonis , Synodus inchoata est. Interfuerunt triginta episcopi , quorum nomina in actis Concilii Calchedonensis prædicto loco recensentur. Inter eos Florentius patriarchus ab imperatore missus est , vt interesset. Theodosius Cæsarea Cappadocia episcopus Synodo præsidere iussus fuit. Interea ante omnia , contra ius & æquitatem omnem , ab imperatore concessum est Eutycheti per procuratorem causam suam in Synodo agere , accusatorinequaquam. De ordine iudicii non obseruato , de querelis Eusebii episcopi Dorylai non auditis exceptum est , sed nihil imputatum. Pro Eutychete causam acturi cum libello eiusdem Eutychetis intromissi sunt in Synodum Constantinus , Eleusius & Constantius monachi. Quibus intromissis Macedonius tribunus & notarius nomine imperatorum ab omnibus episcopis iuramentum assertorium exegit , sed intercessione Basilii obtentum est , ne episcopi iurare cogerentur. Post hæc ordine rerum oblatus est ad legendum libellus Eutychetis , quem iam ante damnatus imperatoribus obtulerat. Recitato libello , acta Constantinopolitani Concilii vera & originalia a notariis eiusdem Concilii exacta & lecta fuerunt. Ea quæ produxerunt Eutychetis procuratores , originalia quidem , sed aliunde mendose descripta esse cognitum fuit. Cum allegassent procuratores Eutychetis appellationem apud episcopos prioris Constantinopolitani Concilii interpositam , ex actis omniumque episcoporum præsentia ostensum est , id nequaquam contigisse. Hæc cum prima sessione habita fuissent , contigit ut vigesima septima eiusdem mensis Aprilis iidem triginta episcopi conuenissent . Vbi oblatus Eutychetis libellus legi iussus est , Silentarius testatus est , se a Flauiano accepisse , quod Eutychetem ipse , concepta in scriptis sententia , condemnasset , antequam Synodi actio cogeretur. Asterii cuiusdam testificatione dictum & in acta relatum est , ipsa prioris Synodi acta a notariis immutata fuisse. His cauillis legitimæ damnationi Eutychetis , a priore Synodo factæ , illusum fuit. Flauianus deinde fidei confessionem edere iussus , paruit , eamque , quæ extat initio præambularium in Concilio Calchedonensi , epistolam , fidei dogmata continetem , scripsit , & ad imperatorem transmisit. Postquam ergo nihil probatum est notariis , (inquit Liberatus diaconus cap. 12.) de falsitate gestorum , ad instantiam Eutychetis Dioscorus Alexandrinus aliam vniuersalem Synodum Ephesi celebrandam ab imperatore impetravit. Vide Baron. anno 449. num. 11. & sequentibus.

Tempus
Concilii.Numerus
episcopo-
rum.Quid actū
in Conci-
lio sessione
I.Sessionis se-
cundæ acta
quæ.Acta syno-
dalia a no-
tariis cor-
rupta.